

商水縣志卷之一

輿地志

沿革

星野

疆域

山川

形勝

鄉村

庶民惟星匪土胡隸畫野分疆有國者首事也矧乃

人傑緣乎地靈觀風者舍山川形勝末從稽矣至若

城隍高深守土者所以捍侮衛民草木殖產又民人

所需以育者故攷沿革以稽創造觀星土以察災祥

稽民風以同好惡與物產以資養恬俾斯民咸阜乃

生樂乃業斯久安長治之術也因表輿地

沿革

商水按禹貢屬豫州之域商為畿內地春秋屬楚左

商水縣志

卷之一

傳魯僖公二十五年楚鬬克屈禦寇以申息之師戍

商密是也 以上舊志

秦稱澠疆縣屬潁川郡漢改潁強東漢因之晉省

歷南北朝至隋開皇十六年復置澠水縣屬淮陽

郡唐建中二年置澠州興元二年州廢以縣屬陳

州淮陽郡五代屬陳州宋建隆間避宣祖諱改商

水金元因之屬陳州明屬開封府陳州隸河南布

政使司

國朝未之改也雍正二年陞陳州為直隸州遂屬州轄

雍正十二年又陞為陳州府商水隸焉 參省志

分野

按豫州自氏五度至尾九度屬大火於辰在卯又許入房度歸睢入房心度開封汝寧入角亢度衛懷彰入室璧度南陽入張度洛陽入柳度商水在開汝之間太昊之墟似應屬角亢焉

以上舊志

疆域

商豫之彈丸小邑耳一望平行無山阜陵麓可正經界惟立石封堠聊以示別云雖犬牙相錯道里不同而大小廣狹各有定制比鄰接壤無容併吞矣

商水縣志

卷之一

二

商水在陳州府西南七十里延四十里袤一百里

東北十八里至周家口

正東二十里至連塚集

東南十八里至高祖廟又一路至胡家廟

以上四路俱接淮寧界

正南三十里至界牌

西南五十里至固現集

以上二路接上蔡界

正西八十里至磚橋

西北五十里至龍勝溝

正北二十四里至林川集

以上三路俱接西華界

山川

在天成象星緯環列在地成形流峙錯陳豫中襟山帶河疊嶂嶙峋鉅壑大瀆所在多有而商獨無此勝槩惟有河渠陂池足備水滂耳大抵商之地勢坡窪者十之七高阜者十之三一經霖雨便成澤國地瘠民貧固其宜也謹條析之如左覽者亦可知一邑之利弊所在矣

沙河卽潁水縣北十八里發源襄城自縣治西北龍

勝溝接西華界至縣治東北周家口交淮寧界約長五十里以下經潁入淮近河地在九里十三步內者按地出夫編成十號每號管堤五里許共派夫九十六名號立老人小甲各一人董率號夫時時培薄增卑俾無衝決之患

吳公堤在周家口河南岸關帝廟後堤岸薄削不堪雍正元年黃水泛漲由汴水而下堤正當其衝更兼風雨驟至蟻穴汪洋幾潰者數四邑令吳耀旨雨督修無間晝夜堤賴以全邑人感德名之曰吳公堤爲勒石以志之

小黃河古稱汴河元賈魯疏濬又名賈魯河發源汜水由朱仙鎮而下至呂家潭與雙漆河併雙漆河發源於鄭州蓮池至此與小黃河合流下至周家口入沙河

褚河魏武帝運糧故道由許州而下至縣治北二十里孫家嘴入沙河

穀河一名枯河縣治西北自西華舒家橋入商下至老澗灘與汾河合

汾河受西華郟城諸陂之水縣治西自西華三里橋入商經縣南至東南馬家河入淮寧境下入沙河

商水縣志

卷之一

與淮併淤塞日久不辨河形每遇霖潦遍地行舟蒲葦菱芡經年汪洋無涯儼若江湖兩岸居民惟恃魚葦爲生計康熙五十一年邑令修映辰奮除積弊力加疏濬用是水滂可洩兩崖之地悉成稼穡穡之區矣雍正二年邑令吳耀重復疏通仍編置號夫不時幫修堤岸至今民享其利焉

護城河自縣治西北蜿蜒至縣東南三面繞城環抱如帶發源二西自大堤口經楊家橋而南東自城岡坡經符家橋而西南至王耐口匯流由城西董家羅迤邐而南經三里橋五里橋四座橋東南由

華家河至胡家廟入淮寧境下與連橋河併
護城堤卽河之北岸舊堤卑薄每遇沙河衝決繞城
四面悉爲水鄉雍正二年邑令吳耀白董家羅至
華家河編置四號不時幫修又沿堤築水道三處
以洩陂水一在三里橋淮溝之故道也一在四座
橋洩宋家坡水一在華家河蘇家坡溝水由此入
焉堤以禦外水溝以洩內水城恃以無患雍正八
年沙河白帝衝決水勢汎漲堤幾潰邑令王夔龍
督雨督工防禦自出錢幣買飲食以餉夫役如此
一兩晝夜得以保全無害

淮溝在南門外

耙頭河縣治西北三十里卽汾河之別名也

爲溝河縣治東北八里自于家窪起至薛家橋入項
城界

青龍河縣治西南二十里屬龍塘河地方自上蔡境
彭家坡入商下至王家樓入汾河

小清河縣治西南二十五里屬北蔡寺地方上自月
牙池受上蔡鄆城西華諸陂之水下洩於汾併入
沙河

青泥溝縣治西南二十五里屬北蔡寺地方在小清

河之北蓮花池坡自停營坡而下至黃家冲入汾河

南湖在縣治西南十餘里夏水冬涸有魚葦之利民多資之

北湖在縣治北十里受沙河岸南之水匯而爲湖方三十餘里每遇霖雨連綿波光蕩漾一望無涯有若湖焉

康家坡卽南湖上接巴村坡劉村坡蓮花池喬家坡諸坡下與五樓坡通

臧岡坡卽北湖

商水縣志

卷之一

六

天井坡縣治西南二十五里北蔡寺地方上接月牙池下通門家坡五樓坡東西五六十里南北十餘里

蓮花池在天井坡之北青泥溝南岸與喬家坡連南陵坡縣治西三十里與巴村坡留村坡通

巴村坡縣治西四十里

留村坡縣治西三十里

雷家坡縣治西二十里

門家坡縣治南十五里

五樓坡縣治東南二十里

薛家套坡縣治東十五里

形勝

商界陳蔡之間地勢平行無高山大川之秀麗祇有潁水環其北淮溝繞其南西則鄧城巨鎮東則古城商邱古城距縣二十里與項接壤商之形勝蓋如此云

八景

銀杏蟠龍

城南東嶽廟有銀杏一株枯乾不朽不知何時植也相傳明太祖北征駐蹕樹下足跡深寸許至今不磨或訛爲光武非是

商水縣志

卷之一

七

烏溝夜月

烏溝河在縣治東北八里許村屋稠密雲樹參差月夜遊此清幽如畫或曰光武嘗黑夜尋馬至此迷不識路俄而天大明朗如月光然土人立廟祀之謂之曰失馬廟今其遺址尚存未知然否

白帝清風

白帝臺縣治西北三十里相傳卽漢高帝斬白蛇處至今四季風常清涼

藉岡棲鳳

鳳凰臺在城內十字街漢黃霸爲潁川守鳳樓於此

焦砦晴烟

焦砦寺縣治西南五十里宋將焦贛屯兵處林木
蓊鬱雖天氣晴明常如烟雲繚繞

澗渡秋遊

縣治東門外石橋處卽古澗水常於秋月鼓棹中
流荷香襲裾沙鷗翔集爽氣迎人極清曠之雅致
荒城夕照

城西有楚懷王墓高塚如山雉堞遙映返照東窺

商水縣志

卷之一

八

草樹離離殊足豁人心目

章華遺址

章華臺城北二里許春秋襄公十七年楚靈王築
章華臺享諸侯以落之使太宰遠啟疆來召魯侯
卽此或曰章華在今華容縣此蓋小章華云

鄉村

城外四關廂

王溝橋城東北五里

觀音堂城東北十里

楊家灣城東北十五里

周家口城東北十八里

王許村城東北十里

趙家集城西北十八里

東西馬城西北二十五里

莫家口城西北十里

鄧城城西北四十里

巴村城西三十里

史庄城西五十里

譚庄城西北六十里

南陵城西三十五里

留村城西三十里

口頭城西八里

停營城西三十五里

北荒城西三十里

扶蘇寺城西南三十里

周現城西南四十里

北蔡寺城西南二十五里龍塘河城西南十二里

黃家冲城南十二里

華家河城東南十二里

楊溝河城南十里

五里堡城南五里

東鄧店城東南十五里

連塚集城東十八里

李村城東十二里

康熙初年置二十四地方

永寧集地方

一千一百三十二戶

七庄村

觀音堂地方

四百六十二戶

三十九庄村

李村地方

六百零六戶

五十七庄村

五里堡地方

七百三十八戶

四十六庄村

東鄧店地方

三百九十七戶

二十九庄村

華家河地方

四百零二戶

三十四庄村

黃家衝地方

四百一十六戶

四十庄村

楊溝河地方

五百八十三戶

四十庄村

龍塘河地方 六百二十八戶 五十一庄村

北蔡寺地方 五百四十九戶 二十四庄村

固現地方 三百五十四戶 二十一庄村

七里頭地方 四百八十九戶 五十三庄村

南陵地方 六百四十三戶 十七庄村

巴村地方 五百零九戶 八庄村

留村地方 四百三十五戶 二十八庄村

扶蘇寺地方 六百二十八戶 四十庄村

莫家口地方 五百一十一戶 二十六庄村

王許村地方 五百七十九戶 五十六庄村

商水縣志 卷之一

十

口頭地方 二百八十五戶 三十一庄村

鄧城地方 六百二十三戶 三十二庄村

東西馬地方 七百九十六戶 六十二庄村

史庄地方 四百五十六戶 二十三庄村

譚庄地方 三百四十六戶 三十五庄村

趙家集地方 四百零七戶 十九庄村

又新添

周家口地方 一千九百一十九戶 四庄村

停營地方 三百八十一戶 二十一庄村

在城東街路南地方二百四十五戶 七庄村

東街路北地方四百四十六戶

二十七庄村

南街地方

二百三十九戶

二十二庄村

西街地方

二百一十四戶

十三庄村

北街地方

二百四十一戶

十庄村

共三十一地方各有鄉約地方二人時時稽查戶口勿使容留奸宄窩藏匪類又有一百七十三村長四十六保正同心協力勸諭鄉民地方乃以無事焉

集市鎮店

在城

東關一二三四日集

商水縣志

卷之一

七

北關五六日集

西關七八日集

南關九十日集

以上舊志

集市舊在關外康熙五十二年知縣修映辰以城中房屋頽圯街道狼籍始調入城中令民各修屋舍招商貿易由是在城之窮民各有生理至今頗不寥落云 初一至初四日東關集 初五至初

八日東街集

初九至十二日雲路街集

十三

四日北關集

十五至十八日北街集

十九二

十日西關集 二十一至二十四日西街集 二

十五六日南關集 二十七至三十日南街集

又每年二月十二至十九日文昌閣集 二月二

十六至三月初三日北關祖師廟集 三月二十

一至二十八日東嶽廟集 四月初一至初八日

永福寺集 八月初八至十五日城隍廟集

永寧集在沙河北岸依碧結廬因名東西五里南北

二里商賈輻輳稱巨鎮云 集在今周家口小黃

河西雙日集

周家口集縣治東北十八里即小黃河與沙河匯流

商水縣志 卷之一

三

處舊在沙河南岸僅有子午街一道居民數家

國朝治平百年以來人烟藂雜街道縱橫延及淮寧境

連接永寧集週圍十餘里三面夾河舟車輻輳烟

火萬家檣桅樹密水陸交會之鄉財貨堆積之藪

北通燕趙南接楚越西連秦晉東達淮揚豫省一

大都會也單日集

鄧城集城西北四十里濱沙河之南樓閣參差街衢

修整舊有木城今雖廢圮遺址尚存土沃民豐家

誦戶絃亦邑之勝地也雙日集

趙家集俗名趙老縣治西北二十里濱沙河南單日集

巴村集縣治西四十里夾汾水之上雙日集

連塚集縣治東十八里西北二街屬商南街屬項東

二街屬淮寧前代盛今始興單日集

東鄧店集縣治東南十八里雙日集

北蔡寺集縣治西南二十五里昔盛順治年間廢今

復興單日集

南陵集縣治西三十五里昔廢今興單日集

張庄集今廢

楊家灣俗呼楊家腦

黃家衝

商水縣志 卷之一

朱家塚

柴家堂 以上四處有店無集市

華家河集縣治東南十二里雙日集

林川集縣治北二十四里雙日集

營村集縣治西三十里雙日集

陳家寨集縣治東十二里單日集

北荒集縣治西南三十五里雙日集

馬崗集縣治西南三十里單日集

姚家橋集縣治東南十五里雙日集

米家集縣治東十里雙日集

關津橋梁

周家埠口縣治東北十八里沙河渡口南通汝蔡北

通陳汴衝路也舊志

原止一津今市廣人衆非一渡所能給設渡船數

處一曰齊家埠口在市之東一曰新埠口在齊家埠口之

上一曰老街埠口在市之中即舊一曰小埠口在

街埠口一曰永寧集埠口在小埠口之上一曰張家埠口

在市之西首永寧埠口之上

王家埠口縣治東北十七里

時家埠口縣治北十五里

商水縣志 卷之一

古

馬家門縣治北十二里

趙老人埠口即趙家集縣治西北二十里通西華上埠口

在集西下埠口在集東

王家埠口縣治西北三十里

鄧城埠口一在北門外一在集西縣治西北四十里

永寧集大板橋小黃河入沙河處縣治東北十八里

激水橋縣東郭按綱目後漢熈熙十八年魏揚骨都督母邱儉起兵討司馬師師引兵擊

之進據潁川閏月次激水橋即此

李家橋縣治東南六里鄉民李文先重修

焦村橋縣治東南六里今圯

五里橋縣治南五里

七里橋縣治南七里

三里橋縣治西南三里

雙橋縣治南八里

姚家橋縣治東南十五里通項城

董家羅橋縣治西三里

符家橋縣治北八里

天皇廟橋縣治西北十里

馬家口橋縣治西北三里

楊家石橋縣治西北十二里

商水縣志

卷之一

陳家橋縣治西北十二里今廢

四座橋縣治東南八里

胡家廟橋縣治東南十八里

華家河橋縣治東南十里 鄉紳劉芳修

龍塘河石橋縣治西南十二里 鄉民郭大壯修乾隆十年鄉民郭文昌李

文先復重修

高家橋縣治西南十五里

沈家橋縣治西南二十里

魏家橋縣治西南二十里

西魏家橋縣治西南二十六里

羅家橋縣治西南三十里

吳家橋縣治西南二十五里

喬家橋縣治西南二十里

趙家橋縣治西北五里

王溝橋縣治東北五里

馬家河橋縣治東南二十五里

十字河橋縣治東南十八里

黃家衝橋縣治東南十二里

乾隆九年鄉民李文先郭文昌重修

高家石橋縣治東南十二里

在黃家衝東

火燒橋縣治西二十里 王靈官故里

商水縣志

卷之一

六

柿園橋

火燒橋西北

朱洪橋

柿園橋西

任家橋

朱洪橋西

李家橋

任家橋西

奶奶廟橋

李家橋西

唐家橋

奶奶廟西

大石橋縣治西四十里

唐家橋西

鐵爐橋

大石橋西

譚庄橋縣治西五十里

巴村橋縣治西四十里

牛頭寨橋東巴村

耙頭河橋牛頭寨東

雙龍橋縣治東七里

楊溝河橋縣治南二十四里

王家石橋縣治東十二里

臥龍橋城南門外

盧家橋縣治南二十里乾隆二年鄉民李文先郭文昌重修

風俗

俗有古風野無遊民尚質崇厚喜勤敦朴婚不計財治喪有禮然而土地瘠鹵民用不充頗好訟獄無亦

商水縣志

卷之一

七

習氣波靡使之然歎以上舊志

古者天子命太史採風以驗俗習之美惡考政治之得失登之樂章以示勸懲然則風俗之所關豈細故哉左氏曰瘠土之民勞勞則善心生沃土之民逸逸則淫心生惟地有肥磽故風俗亦有醇漓商處天地之中當風雨和會之地聲音句讀稔合正韻衣服飲食率多簡朴故其俗尊高年尚儒術勤稼穡務績紡務本者多逐末者少若四時八節之候三元五臘之辰交際饋遺崇禊玩賞與他邑有同風焉但地勢窪下民鮮葢藏歲一不登葢無

斗儲矣惟好器訟喜俳優或巫覡崇淫祀所急當
易移之者也

物產

物莫不有其土之所宜江南則橘江北則枳地氣
然也商雖叢爾其土之所生豈無資民生關食用
者倘闕焉不載是將使人盡重瓊玖瑰玉而視布
帛菽粟為無足輕重之數矣此非所以重民生厚
風俗也故備載之

五穀類

麩麥 米大麥 王大麥 黃小麥 紫實麥

商水縣志

卷之一

六

蕎麥

粟穀

種類甚多俗呼小米

黍

以大暑種故名

稷

五穀之長

俗不以為尚稻性宜水亦有陸稻窪下之

間有種之者地間或種之然亦少矣

梁

即藟稗又

名高粱有白紅黑二種

菽

豆之總名有黃黑紫青數種又

紅豆

紅白小豆

芝蔴

有紅白黑三種黑者名巨勝可療疾

菜子

果類

桃 杏 栗 李

紅黃二種

梅

快果

梨

柿

快果

石榴

紅白二種張騫使西域帶入中國

棗

蓮子

沙果

蘋果

胡桃

名物志謂之羌桃俗名核桃

葡萄

有黑白二種張騫使西域所得

白果

銀杏

芡實

俗呼

西瓜

甜瓜

木類

桑 柘 椿有數種 栢 槐 柳有數種 榆有雌雄二種 楊
有大有小 楮 棟四月華為春花之殿 梧 桐 檜 楸
竹有水竹旱竹二種

花類

牡丹 花王一名富貴花 芍藥 一名將離又 薔薇
有黃紅紫白數種

紅梅 白梅 臘梅冬月華有冰素數種 玉簪 月季

木槿 有紅白二種 玫瑰 海棠 蜀梨花數種 石竹

木香 有千層單瓣二種 梔子 桂 有丹黃二種 水土 瑞香

夾竹桃 有千層單瓣二種 荷花 有深紅淡紅白三種 茶蘼

秋海棠 芙蓉 海石榴 絳桃 玉蘭

商水縣志 卷之一

菊 種類甚多 葵 鳳仙俗名小桃紅指甲艸 紫薇 一名百日紅 迎春

金錢 蜀葵 滿池嬌

草類

蓼 藻 蘋 萍 葦 茅 蒿 莎 蓬 稗

莠 蕺菜 馬蘭 紅花可以染 薺 草 星星 菱

淮 了楷 靛有三種 染碧 染藍 染綠 大藍 蔴有二種

日商蘇一 蒲有二種 有香臭 葛 艾

蔬類

芥 芹 楚 蔥 蒜 韭 苜 茄 蘿蔔有紅白二種

胡蘿蔔 蒲 白菜有黃芽筍二種 山藥 芫荽 菠

菜 蒿苳 博物志出莖國者 苳蒿 香椿 荆芥

香菊 生菜 有春冬二種 蔓菁 有大小二種 金簪 白

花 米谷 馬齒莧 又名安菜 葫蘆 黃瓜 一名絲瓜

瓜 荳角 有眉豆可食 東瓜 南瓜 菜瓜 瓠子

刀豆 藕

藥材類

枸杞 杏仁 桃仁 紅花 荆芥 薄荷 南

星 茵陳 牽牛 蒲黃 車前 著艾 芫花

金銀花 桑白皮 急性子 大楓子 益母草

瓜蒌 豨薟草 皂莢 硝 側柏葉 麥冬

商水縣志 卷之一

商陸 牛蒡子 來服子 地膚子 楮實子

桑葉 薏苡仁 何首烏 百合 地丁 花粉

兔絲子 夜明沙 香附

羽蟲類

燕 一名元雀 鳩 黃鶯 一名倉庚一名鷓鴣一名黃鳥又名金衣公子

鴿 杜鵑 即子規又名杜宇 鷓鴣 即伯勞 鷹 鴉 鴉 鴉

鳧 鷓鴣 鷓鴣 鵲 鵲 鷓鴣 鷓鴣 雉

啄木鳥 鸛 鷓鴣

毛蟲類

牛 馬 驢 驢 豬 犬 羊 猫 兎 獾

鼠

鱗蟲類

鯉 鮪 鮓 魴 鱧 鱣 鱉 鰕 鰾 鮓 鮓

甲蟲類

鼈 蚌 螺 蟹

羸蟲類

蠶 蜂 蟬 同類異名 螢 蚤 蠅 虻 蟻

蛾 蟋蟀 蜻蛉 蝶 螳螂 蚰蜒 蝎 蜘蛛

蛛 蝥斯 蝸牛 刺蝟 蝎虎 蝙蝠 蛇

蟻 蛙

商水縣志

卷之一

三

泉類

棉花 布 絲 縑 綾

古蹟

古人往矣而遺跡猶存景騷人之雅致則睠懷秦
芥瞻英雄之故墟則畢然高望溯澗興廢慷慨係
之後之視今亦猶今之視昔云

鳳凰臺在城內十字街相傳臺畔有梧桐樹漢宣帝

時黃霸為潁川守鳳棲於此

駐蹕樹城南東嶽廟有銀杏一株枯乾不朽明太祖

北征止此樹下足跡深寸許至今不泯

章華臺在城北二里許春秋襄公十七年楚靈王築章華亭諸侯以落之使蓬啓疆來召魯侯卽此或曰章華在今華容縣有細腰宮在焉此蓋小章華云

鄧城縣西北四十里魏鄧艾入蜀屯兵於此

鍾鎮倉縣西南四十里魏鍾會屯兵處明初以縣治西南遙遠設倉屯收秋糧今廢

焦寨縣西南四十五里宋將焦贊屯兵處

范臺縣西南十五里越大夫范蠡旣與勾踐謀滅吳乃挾其珍寶與西子泛舟歸湖卽此至今臺之北

商水縣志

卷之一

三

地勢窪下每遇霖潦波光萬頃宛然湖云

城頭縣西三十里蘇子由爲陳州團練使子瞻自眉往視止宿於此相傳每夜靜常聞吟誦聲

白帝臺縣西北三十里漢高祖斬白蛇處四季風常清凉

棄兒溝縣西三十里相傳周景王后蘇氏被讒走商州生兒棄於此

互鄉俗名固牆縣東南四十里本項城縣轄舊志訛爲商水

大王庄眞武護法王靈官故里相傳火燒橋舊有七

十二空白玉闌杆今廢

張公釣臺城西二十五里魏家橋西有碑可據

陳半臺城西五十里

牛頭寨城西三十里

齊會臺在南陵之北

蓮臺巴村東三里

叢臺城北二十里沙河之陽楚靈王因築章華并築

此以像華容之地

水灌臺城東北二十里

今屬淮寧

霧臺城南十五里

商水縣志

卷之一

三

梧觀臺城西六十里

北湖城北十二里

驛馬溝縣西南十里相傳孫叔敖所鑿

時曲縣西南五十里澗水於此洄曲故名唐元和十

年李光顏敗淮兵於時曲卽此

南湖城南十二里

乾谿臺城北二里春秋楚靈王築此爲游觀之所

崇臺城北二十里

陵墓

過北邙而興悲望蕩陰而寄慨非徒抱今昔之感

而秉羹好德之心有不容已也夫前哲之芳踪不可觀矣見其墓如見其人焉顧日久而莫之記徒見碑踏艸深燐走螢飛欲覓其處而無從矣其湮沒可勝道哉

陳懷公墓在縣治西北西陵灣興福寺之畔

楚懷王墓縣治西二里許

按史記懷王外信張儀之詐內惑鄭袖之讒爲秦所執逃死葬於此

扶蘇塚縣治西南三十里

按史記秦始皇使太子扶蘇監蒙恬築長城及二世立賜死葬於此

商水縣志

卷之一

古

蒙恬塚去扶蘇塚六十步墓門深邃涼氣逼人不敢入

耿弇墓縣治東十八里土人耕地拾玉帶玦一銅圖書一一篆命臣字一篆耿弇之印始知爲弇塚也

張景昭墓縣治東南二里許詳孝義志